



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

GRADE 11

**SISWATI LULWIMI LWEKUCALA LWEKWENGETA (FAL)
LIPHEPHA LEKUCALA (P1)**

SIBONELO (EXEMPLAR) 2007

EMAMAKI: 80

SIKHATSI: 2 ema-awa

Leli phepha linemakhasi lalishumi nakunye.

TICONDZISO:

1. Labahlolwako abafundzisise kahle imiyalo ngembi kwekutsi baphendvule imibuto.

2. Leli phepha lehlukaniswe tigaba LETINTSATFU:

SIGABA A: ITHEKSTHI

SIGABA B: UMMONGO

SIGABA C: LUHLELO NELULWIMI

3. Phendvula YONKHE imibuto ngeSiswati.

4. Cala leso naleso sigaba ehasini lelisha uphindze udvwebele ekugcineni kwaleso sigaba.

5. Shiya umugca emkhatsini wetimphendvulo takho.

6. Bhala ngebunono nangesandla lesifundzekako.

7. Caphelisia sipelingi nendlela lewakha ngayo imisho.

SIGABA A: ITHEKSTHI**UMBUTO 1**

1.1 Fundza letheksthi bese uphendvula imibuto lelandzelako:

NguMgcibelo lobandzako. Ngaphandle lisibekele umuntfu angaphika kutsi ngilo belikhipha umkhovu etjeni ngayitolo. Kunemoya lobandzako lohamba nemkhemetelwane, lotsi nawufika emntfwini ubute kutsi ingubo ngaki.Bantfu batishumpetele ngemibhalo emini. Kubantswana emafinyila aphuma aphumile, kodvwa labasemsebentini, labo batawulanyulelwa ngushayile.

Umfundisi Ndlangamandla uhleli nemkakhe LaMbuyisa bayacoca emva kwekube babuye emngcwabenzi weligosa lakhe lebelishonelwe ngemadvodzana alo lamabili laminte edamu lapho bekabhukusha khona.Bacoca nje baphunga lisobho kucosha wona phela emakhata. Kusenjalo kungene umfanyana wakhe wekugcina labemtfume eposini.

'Washesha kangaka kubuya namuhla Sipho kwentenjani loku uhlala ubuya ngesikhatsi tinkhukhu setigibela etihlahleni?' kubuta LaMbuyisa ngekunganaki nje. 'Ngibuyiswa ngunansi incwadzilucingo lengibuya nayo,' asho atibeka etafuleni embikweyise tonkhe tincwadzi labuya nato eposini. Avele acale ngalencwadzilucingo Ndlangamandla ayivule. Uyivula nje umkakhe sewumbuke akasacwabiti. Inkhomishi yelisobho sewuyiphetse nje akasanatsi ngobe incwadzi lenjena iyefusa. Ambone aswaca umyeni wakhe, lucale kumshaya luvalo manje naye ngoba angati kutsi uswaca nje sewuve tiphi lapha encwadzini. Asambuke loko ambone atsi lotfu umuntfu lomdzala,solo aphetse yona njalo leyoncwadzi. Utsite nakabange emnyango wayiniketa umkakhe.' Tifundzele make ungeva ngami,' asho aphumela ngaphandle angasanaki nemakhata labutsekise bantfu labanyenti etindlini.

LaMbuyisa wanele kuyifundza wakhihla sematsambo sililo. Umntfwana wamangala kutsi kantsi lencwadzi lefika nayo injani, abe angatikubuta muntfu. LaMbuyisa wavele wabona kutsi ligama laDuduzile ekugcineni wangabe asayifundza yonkhe incwadzi wajuluka lisibekeli.

Angcingcitela LaMbuyisa asalungiselela kufika kwalabantu labashiwo yincwadzi. Ngemehlo engcondvo abembona umkhwenyane wakhe asahleti esofeni, aphindze ambone ashaya sitephu ngelilanga lemshado. Abhakabhake emakukisana emahloni.

Kwaba yinhlanhla ngoba vele lisontfo kusasa, batawukhandza kuphekwe lokunconywana.Watsi ngekuyawucambalala Ndlangamandla, watsi shelele kamkhoti wakhe LaMbuyisa, wefika wamluma indlebe ngaletindzaba letimnandzi taThandeka.

Itsite lapho itsi nsi emabaleni, kwehla indvodza nje leseyicatsetela ihamba nemfana nentfombatana.Lomfana nawumbuka, nguNdlangamandla atihlalele. LaMbuyisa labevele efasitelweni ative ashaywa luvalo langati kutsi ngelwani. Basondzele emnyango bafike banconcotse, abangenise yena LaMbuyisa njengoba abevele abalindzele. Phela umyeni wakhe


abesagcoka ekamelweni. Utsite nakangena ekamelweni lekuhlala wakhandza bantfu bagcwele indlu.

Agijim' emehlo angakahlahi naphasi, abuke umkakhe, abuke labantfu. Tindlebe timile enhloko manje kuNdlangamandla ngaloku lakubonako.

IMIBUTO:

- | | | |
|--------|---|-----|
| 1.1.1 | Ndlangamandla bekenta muphi umsebenti? | (1) |
| 1.1.2 | Ngubani lona lofika netincwadzi abuya eposini? | (1) |
| 1.1.3 | Kusho kutsini kutsi: 'belikhipha umkhovu etjeni'? | (2) |
| 1.1.4 | Luhlobo luni lwencwadzi lolwetfusa umfundisi nankhosikati wakhe? | (1) |
| 1.1.5 | Yini incwadzilucingo? | (2) |
| 1.1.6 | LaMbuyisa yena ucabanga kutsi lencwadzi iphat selene nani? | (2) |
| 1.1.7 | Ngubani libito lendvodzakati yaLaMbuyisa? | (1) |
| 1.1.8 | LaMbuyisa bekajabulele kutsi sewutaba nemkhwenyana. Vumela noma uphikise lombono. | (1) |
| 1.1.9 | Bobani laba labatsatfu labehla emotini? | (2) |
| 1.1.10 | Nika lendzatjana sihloko losibona siyifanele. | (3) |
| 1.1.11 | | (1) |

1.2 Bukisisa lesecwayiso bese uphendvula imibuto lelandzelako:



- | | | |
|-------|--|-----|
| 1.2.1 | Niketa lesecwayiso sihloko lesifanele. | (1) |
| 1.2.2 | Bobani tetsamelilwati talesicwayiso? | (2) |
| 1.2.3 | Ngemugca munye, bhala umlayeto loletfwa ngulesecwayiso. | (2) |
| 1.2.4 | Kungani kunesidzingo sekwenta lesecwayiso? | (2) |
| 1.2.5 | Ngikuphi lokubi lokwenteka etikolweni tekusokwa? | (2) |
| 1.2.6 | Ucabanga kutsi lesecwayiso sihle impela ebafaneni labafuna kusoka? Sekela. | (1) |

- 1.2.7 Hulumende nemimango kumele babambisane ekuchubeni lelisiko.
Vumela noma uphikise lombono, bese uyesekela. (1)
- 1.2.8 Bhala munye umusho lokulesicwayiso lokhombisa kupocelela. (2)

SAMBA SESIGABA A: **30**

SIGABA B: UMMONGO**UMBUTO 2**

Fundza letheksthi lelandzelako bese uyifinyeta ngemagama langema-60 kuya ku-70.

Kumkhanye bha Ginindza kutsi labantfu bete ngani. Kuvakale kuhhumutela.

Lolokhulumako kusho kutsi ukhuluma nalomunye

ngamakhalekhukhwini kutsi akete neveni ngoba konkhe kume kahle. Avakale atsi 'Zimhlophe'

Kulowo mzuzwana asacabanga kutsi wenta njani, abone munye wabo lapha esibukweni ngesikhala sesivalo sendlu yekugezela.

Phela umnyango walapha ekamelweni lekugezela bewukadze ungavaleki ngci.

Bewuvaleke kancane utjekile. Lomuntfu lambona Ginindza bekakadze aphetse livolovolo ahamba kancane ngekunyena futsi acuphe nje lokutsi khwasha, akulahle phasi ngenhlavu. Lendvodza yelivolovolo Ginindza uyibuka lapha esibukweni ngesikhala sesivalo sendlu yekugezela lesivuleke nje satjeka kancane.

Kumkhanye Ginindza kutsi lomuntfu uta kancane nje ucondze kuleminyango lemibili. Uta lapha endlini yekugezela kumbe ucondze lapha endlini lencane yatsi nya nya.

Laba labalapha ekhatsi endlini, wabeva sebakhulumela etulu ngekukhululeka. Bese kuvakala nje kutsi batsini. Kwevakala etinkhulumeni tabo kutsi bete ngenhoso futsi nangemsebenti labantfu lapha ekhaya. Wakhulelwa yinhloko Ginindza kutsi kufute ente njani nasekunje. Weva futsi nemdvumo wemoto lapha ngephandle. Lokusho kona kutsi beseyifikile leveni lebitiwe kutsi ayite ngoba konkhe kuhamba kahle.

Sekuyabonakala kutsi labantfu betele kutewuntjontja timphahla lapha ekhaya.

Titawulayishwa lapha evenini leme lapha ngephandle. Vele sebacalile bayatitfutsa letimphahla batilayisha evenini ngalokukhulu kukhululeka.

Lendvodza lengene lapha endlini lencane yatsi nya nya, lokusho kona kutsi bekutisita kwafeleba.

Uhleti nje Ginindza ucabanga lisu lekusindzisa timphahla takhe ekuntjontjweni ngulamadvodza. Phela abevile nakacoca lamadvodza kubitwa ligama laParks. Wavele wacunga sibindzi ngobe vele tiyahamba letimphahla, wevakala asamemeta atsi 'Parks! Zimbi asibalekeni. Kwevakala bugudvugudvu, aphuma alakanyana emadvodza, abaleka ashiya konkhe, ngisho neveni imbalu. Atsi angahlangana lamadvodza abutana ngalokwentekile. Kwabonakala kutsi bekulicebo laGinindza lelo. Atfukutsela agana lunwabu, afunga atsi utorialifota lolumanti Ginindza. Ngakulolunye luulangotsi Ginindza wabonga labaphasi.

SAMBA SESIGABA B:

10

SIGABA C: LUHLELO**UMBUTO 3**

Fundza letheksthi lelandzelako bese uphendvula imibuto lelandzelako:

Nemambala-ke bagibela futsi emotini sebacondze elokishini eMjindini. Nkhosikati Mabuza baphindze bamfaka ngemuva ebhudzini. Kwavalwa ngci. Umntfwanakhe watsi uyakhala, bamvala ngalenkhulu imphama wabindza khona lapho. Tau utawufika elokishini abeke lomunye sidlani bese-ke umikisa Fikza esibhedlela. Ngalesikhatsi Nkhosikati Mabuza sebambuyisele ekhatsi ebhudzini, wafuna makhalekhikhini wakhe lapho bekamfihle khona. Phela akazange asawufaka lapha esikhwanyaneni sakhe, Yingako-ke wamkhipha wamfaka ngephasi kwemati yaphasi khona lapha ebhudzini emhocweni lohlala ijeke yemoto.

'Hawu! Lomakhalekhikhini wami lomncane kusho kutsi uvelile lapha losidlani wawutsatsa. Ewu ngaze ngafa lwembita-ke mine nebakitsi.' Kusho Nkhosikati Mabuza emicabangweni yakhe ngesikhatsi afuna lomakhalekhikhini wakhe ngemnyama. Wamfuna makhalekhikhini kepha wangamtfoli. Kutsite lapho asadzelile, wamtfola khona lapho kulokwesigojana lokuhlala ijeke. Washo ngenhlitiyo watsi 'gabi gabi ngaphumelela.' Tehla tibindzi ngesikhatsi asamtfolile lomakhalekhikhini wakhe. Wachachatela wamchafata asamvula. Wakhanyisa. Watishaya tinombolo telucingo tasho tigijima tiyobikela indvodza yakhe.

'Yebo, nikuphi manje?' Kubuta indvodza yakhe Mnumzane Mabuza lobekadze asendlini avunula.

'Kepha kungenteka labosidlani baye esibhedlela kuyowumikisa lomunye wabo ngobe sewulunye yinyoka lapha esigangeni.'

'Kulungile mntfwanaketfu, tsambela konkhe kuze bangenakukubulala. Uphi umntfwanami Fezile uphephile yini naye?' 'Ewu! Babe angati ngobe mine bangifake lapha ngemuva ebhudzini. Ngiyacela babe hamba ubikele emaphoyisa.

'Sengilapha edolobheni eBhabhutini. Ncono utsatse emaphoyisa niye nawo lapha esibhedlela ngobe nakanjani lolomunye sidlani batammikisa lapha esibhedlela,' kusho Nkhosikati Mabuza akhala ababitseka umfati webantfu. Yahamba njalo imoto yacondza elokishini eMjindini. Nangalesikhatsi ingena emgwacweni longena khona, wayiva Nkhosikati Mabuza. Ngemehlo engcondvo wabona kutsi njenganyalo seyengce lapha erenkini yemathekisi. Wawashayela lucingo emaphoyisa wawatjela kutsi ucabanga kutsi sebakuphi nyalo. **'Caphelani bugebengu lobudlondlobalako'.**

IMIBUTO:

- 3.1 3.1.1 Bhala tifinyeto talamagama 'Nkhosikati , Mnumzane'. (2)
- 3.1.2 Sebentisa lesisho lesilandzelako emshweni: Tehla tibindzi. (1)
- 3.1.3 Bhala mcondvofana waleligama lelilandzelako lelapha.
Kuletheksthii bese ulisebentisa emushweni: sidlani. (2)
- 3.1.4 Phindza ubhale lomusho lolandzelako ulungise emaphutsa lulwimi
netimpawu tekufundza: uphi untanami Fezile uphephile yini naye. (2)
- 3.1.5 Nika bulili lobusikati balelibito: 'indvodza' bese ulisebentisa
emushweni. (2)
- 3.1.6 Nciphisa lelibito: 'emehlo' bese ulisebentisa emushweni. (2)
- 3.1.7 Khokha linye libito lelibolekwe kuletinye tilimi bese usho nalelulwimi
lapho libolekwe khona. (2)
- 3.1.8 Sebentisa ligama 'sibindzi' emishweni lemibili ivete imicondvo
lehlukile. (2)
- 3.1.9 Kulomusho longentasi, ligama 'imbita' liletsa mcondvomuni
kulenkulumo?

 Ngafa Iwembita. (1)
- 3.1.10 Nika ligama linye lelichaza lenkhulumo lelandzelako:

 Bamvala ngalenkhulu imphama. (1)
- 3.1.11 Phindza ubhale lomusho lolandzelako bese uphikisa ligama
lelidvwetjelwe:

 Kusho Nkhosikati Mabuza akhala, abibitseka umfati. (1)
- 3.1.12 Chaza lenkhulumo lelandzelako:

 Lobekadze asendlini avunula. (1)
- 3.1.13 Sebentisa leligama emushweni lotakhele wona:

 Sidlani. (1)

3.1.14 Khetsa yinye imphendvulo kuleti letingentasi lehambisana nalenkhulomo:

Kulungile mntfwanaketfu, tsambela konkhe kuze bangenakukubulala.

- (a) indzelelo
- (b) kuteketisa
- (c) kujabula

(1)

3.1.15 Khokha umusho lonesiga kulena lelandzelako:

- (a) Bantswana bagijima nakukhala insimbi yesikole.
- (b) Umsebenti eNingizimu Afrika uyindlala.
- (c) Washo ngenhlitiyo watsi 'gabi gabi' ngaphumelela.

(1)

3.1.16 Lomusho longentasi ngabe ungumbono noma ngemaciniso:

Wawashayela lucingo emaphoyisa wawatjela kutsi ucabanga kutsi sebakuphi nyalo.

(1)

3.1.17 Sinongo sini senkhulomo lesi lesingentasi? Khetsa imphendvulo yakho kuleti letiniketiwe:

Bamvala ngalenkhulu Impama.

- (a) Sihabiso
- (b) Kumuntfutisa
- (c) Inhloniph

(2)

3.2 3.2.1 Khokha ligama lelilibitombici kulamagama lalandzelako:

- (a) Inhloko
- (b) Umshayeli
- (c) Makhalekhikhini

(2)

3.2.2 Sebentisa lesabito sekukhomba 'lapho' emushweni lotakhele wona.

(1)

3.2.3 Hlanganisa lemisho lemibili lelandzelako:

Ncono utsatse emaphoyisa niye nawo lapha esibhedlela Lolomunye sidlani batammikisa lapha esibhedlela nakanjani.

(1)

3.2.4 Sebentisa leligama lelitsi 'ebhudzini' emushweni lotakhele wona.

(1)

3.2.5 Khokha umusho lonesentakutsi kuletheksthi uwubhale phasi.

(1)

3.2.6 Phindza ubhale lomusho lolandzelako bese udvwebela sibabato:

Ewu! babe angati ngobe mine bangifake lapha ebhudzini.

(1)

- 3.2.7 Bhala sikhatsi lesifanele sesento kulomusho longentasi. Khetsa timphendvulo takho kuleti letilandzelako:

Yingako wamkhipha wamfaka ngephasi kwemati.

- (a) sikhatsi sanyalo.
- (b) sikhatsi lesitako.
- (c) sikhatsi lesengcile

(1)

- 3.2.8 Fundza lesibonelo sesichazamagama bese uphendvula imibuto lelandzelako:

phepha: sindza engotini lengahle ikwehlele, phunyula,
balekela indzawo lenengoti
sibindzi: sitfo semtimba, kungesabi, ngumuntfu
longatsandzi kukhuluma

Tsatsa lamagama lamabili bese utakhela sakakho sichazamavi ngekulandzela lesibonelo lesingenhla:

Umuti
Litsanga

(2)

- 3.2.9 Bhala lomusho longentasi ngendalela lephikako:

Tau utawufika elokishini.

(1)

- 3.2.10 Gucula lomusho ube yinkhulumombiko.

'Yebo, nikuphi manje'? Kubuta indvodza yakhe.

Imphendvulo yakho ayicale ngalamagama:

Indvodza yakhe

(1)

- 3.2.11 Luhlobo luni lwemphambosi lolu? Khetsa yinye imphendvulo kuleti letingentasi.

Wawashayela lucingo emaphoyisa

- (a) imphambosi yekwentana
- (b) imphambosi yekwentela
- (c) imphambosi yekwenteka

(1)

- 3.2.12 Shano kutsi kungani lamanye emagama abhalwe ngetinhlamvu letinkhulu kantsi lamanye abhalwe ngaletincane kulomusho.

'Caphelani bugebengu lobudlondlobalako'

(2)

SAMBA SESIGABA C: 40
SAMBA SAKOKONKHE: 80